

Whakaaetanga kia Mocketia tetahi Whenua Maori.

LIVERPOOL, Kawana.

OTA KAUNIHERA.

I te Whare o te Kawana, i Ponoke, i tenei te toru tekau o nga ra o Hepetema, 1913.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA kua whakaritea e tekiona rua rau e toru tekau o te Ture Whenua Maori, 1909, kua tetahi pukapuka tuku i tetahi whenua Maori i runga i te mokete, i te tiaati ranei, i tua atu i te mokete atu i te tiaati atu ranei ki tetahi Tari Kawanatanga Whakaputa Moni Mockete, e whakaturutia e tetahi Poari,, e te Kooti ranei, ki te kore i matua whakaaetia e te Kawana i roto i tona Kaunihera.

A notemea kua tukua he tono kia whakaae te Kawana i roto i tona Kaunihera kia mocketia te poraka te wahi whenua ranei e whakahuatia nei i roto i te Kupu Apiti ki tenei : A notemea he mea tika kia matua whakaputaina te whakaaetanga a te Kawana i roto i tona Kaunihera :

Na reira, ko His Excellency te Kawana o te Tomionona o Niu Tireni, i runga i te tohutohu me te whakaae a te Kaunihera Whiriwhiri o taua Tomionona, tenei ka whakaae ki te tukunga i runga i te mokete o nga rota o nga wahi whenua ranei e mau nei i roto i te Kupu Apiti ki tenei.

A tenei ka panuitia ko tenei Ota Kaunihera he mea whakaputa i raro i nga tikanga mo taua mahi kei roto i te Ture Whenua Maori, 1909, a me whai mana ano he whakaaetanga na te Kawana i roto i tona Kaunihera ki nga whakahaerenga kua whakamanaia e tenei.

KUPU APITI.

Ingoa o te Poraka.	Nga Eka.	Takiwa Porowinitanga.
Ruatangata 1E Nama 1A ..	E. R. P. 115 3 35	Werengitana.

J. F. ANDREWS,
Karaka o te Kaunihera Whiriwhiri.

Whakawhiwhi Mana ki te Kooti Whenua Maori.

LIVERPOOL, Kawana.

OTA KAUNIHERA.

I te Whare o te Kawana, i Ponoko, i tenei te 30 o nga ra o Hepetema, 1913.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA kua meinga hei ture e tekiona kotahi rau ma toru o te Ture Whenua Maori, 1909, kua te Kooti Whenua Maori e whakahaere mo te taha ki tetahi whenua i nga mana kua whakawhiwhia atu e Wahi V o taua Ture ki te kore i whakamanaia e tetahi Ota Kaunihera kia whakahaerea aua mana mo te taha ki taua whenua :

A notemea e tika ana kia whakamanaia te Kooti kia whakahaere i tona mana mo te taha ki te whenua e whakaaetia nei e te Kupu Apiti ki tenei :

Na, reira, a His Excellency te Kawana o te Tomionona o Niu Tireni, i runga i te tohutohu me te whakaae a te Kaunihera Whiriwhiri o taua Tomionona, tenei ka whakamana i taua Kooti kia whakahaere, mo te taha ki taua whenua, i te mana kua whakawhiwhia nei i runga i nga huarahi kua kiia ake nei—ara ki te whakatau mehemea ranei kaore ranei taua whenua, etahi wahi ranei o taua whenua, i te wa i whakataua ai nga take papatupu ki taua whenua, i whakaaetia e te Kooti Whenua Maori, e te tangata e nga tangata ranei i whakaingotia hei tangata mo ratou taua whenua, me pupuri taua whenua e taua tangata e aua tangata ranei i whakaingotia ra hei whenua tiaki mo etahi atu tangata kaore i huaina i roto i te taitara, a ki te whakatau (mehemea ia he pera) ko wai ma nga tangata e tika ana mo ratou nga painga o taua whenua, a kia hia nga hea mo ia o aua tangata katoa e tika ana ki taua whenua ; ki te whakaputa ota kia whakaurua aua tangata ki roto ki te taitara, ara ko ratou tahi ranei ko nga tangata i whakaingotia ra, ko ratou anake ranei e whakauru hei whakakapi mo nga tangata i whakaingotia ra ; a mehemea e tika ana e pai ana ranei, me wehewehe taua whenua ki nga tangata i kitea e tika ana ki taua whenua ; a mo runga i aua tikanga kua kiia ake nei me ahei ki te whakaputa ota hei whakakore atu hei whakatika-tika ranei i nga pukapuka taitara, a ki te whakaputa pukapuka taitara hou e kitea ana e tika ana, ara i runga i nga aronga katoa ki te whakahaere mo te taha ki taua whenua i nga mana katoa kua whakawhiwhia ki te Kooti Whenua Maori e Wahi V o te Ture Whenua Maori, 1909.

A tenei ka panuitia i whakaputaina tenei Ota Kaunihera i raro i nga tikanga mo taua mahi kei roto i te Ture Whenua Maori, 1909, a me whai mana ano he whakaaetanga na te Kawana i roto i tona Kaunihera ki nga whakahaerenga kua whakamanaia e tenei.

KUPU APITI.

Ingoa o te Poraka.	Nga Eka.	Takiwa Porowinitanga.
Te Konehu ..	E. R. P. 278 0 0	Akarana.

J. F. ANDREWS,
Karaka o te Kaunihera Whiriwhiri.

Wakatuunga Mema mo te Kaunihera Maori o Whanganui i raro i nga tikanga o te Ture Kaunihera Maori, 1900.

Tari o te Minita o nga mea Maori,
Ponoke, 25 o Hepetema, 1913.

KUA pai His Excellency te Kawana ki te whakatu i a

REU HIKAI, o Tawata, raua ko,
ROPATA RANGITAHUA, o Koriniti,

hei mema mo te Kaunihera Maori o Whanganui hei whakakapi mo Aitua te Rakciwaho raua ko Pokiha Peni kua whakamutu i a raua.

W. H. HERRIES,
Minita mo nga Mea Maori.